

• 王雲五主編 •

人人文庫



顧亭林先生年譜

張 穆 編

臺灣商務印書館印行

張

穆編

顧亭林先生年譜附錄

臺灣商務印書館發行

編印人人文庫序

余弱冠始授英文，爲謀教學相長，並滿足讀書慾，輒廣購英文出版物。彼時英國有所謂人人叢書 *Everyman's Library* 者，刊行迄今將及百年，括有子目約及千種，價廉而內容豐富，所收以古典爲主，間亦參入新著。就內容與售價之比，較一般出版物所減過半。其能如是，則以字較小，行較密，且由於古典作品得免對著作人之報酬，所減成本亦多。

余自中年始，從事出版事業，迄今四十餘年，中斷不逾十載。在大陸時爲商務印書館輯印各種叢書，多厲廉售之意，如萬有文庫一二集，叢書集成初編以及國學基本叢書等，其尤著者也。前歲重主商務印書館，先後輯印萬有文庫薈要，叢書集成簡編，漢譯世界名著甲編等，一本斯旨。惟以整套發售，固有利於圖書館與藏書家，未必盡適於青年學子也。

幾經考慮，乃略仿英國人人叢書之制，編爲人人文庫，陸續印行，分冊發售，

定價特廉，與人人叢書相若；讀者對象，以青年爲主，則與前述叢書略異。文庫版本爲四十開，以新五號字排印，與人人叢書略同；每冊定價一律，十五萬字以下，或相等篇幅者爲單冊，占一號；超過十六萬字以至三十萬字者爲復冊，占二號，皆依出版先後編次。每號實價新臺幣八元，一改我國零售圖書向例，概不折扣。惟實行以來，發見十六萬字以上或以下，僅萬數千字之差，售價即加倍，頗欠公允。考慮再四，決改定售價，單號仍爲八元，雙號則減爲十二元，俾相差不過鉅。又爲鼓勵多購多讀，凡一次購滿五冊者加贈一單冊，悉聽購者自選。區區之意，亦欲藉此而一新書業風氣，並使購讀者得較優之實惠而已。

抑今後重印大陸版各書，除別有歸屬，或不盡適於青年閱讀者外，當盡量編入本文庫。同時本文庫亦儘可能搜羅當代海內外新著，期對舊版重印者維持相當比例。果能如願，則本文庫殆合英國人人叢書與家庭大學叢書 Home University Library 而一之也。

中華民國五十七年三月一日王雲五識

謹案本朝學業之盛。亭林先生實牖啓之。而洞古今。明治要。學識駭貫。卒亦無能及先生之大者。開桐城。胡雒君度。嘗爲先生撰次年譜。惜未之見。大興徐丈松鉤稽各書。依年排纂。已寫有定本。會何太史紹基自金陵來。攜有上元車明經守謙。號秋船所輯譜。凡用勘校。車氏差詳。蓋車氏本之崑山吳廣文映奎。號銀帆而吳氏又本之先生撫子衍生也。徐丈欲更事釐訂。以出守榆林未遑。穆乃不自揆度。比而紘之。綜兩譜之異同。究大賢之本末。世之景行先生者。尙其有考於斯。道光二十三年五月朔日。平定後學張穆記。

顧亭林先生年譜卷一

清 平定張 穆編

明萬曆四十一年癸丑五月二十八日先生生

先生初名絳更名繼紳後仍名絳字忠清

元譜 穆案復社姓氏畧
山弟六人顧絳字忠清

乙酉後更名炎武

徐譜圖百詩與劉超宗書
作炎午穆案山東通志采

先生文亦
作炎午

字甯人學者稱亭林先生

元譜華亭東南三十五里有顧亭林湖其南有顧亭林陳顧野王嘗居此修輿地志因以
爲名其地今爲寶雲寺 穆案輿地紀勝嘉興府古蹟有顧亭湖在華亭縣南三十五里

舊經云黃門侍郎顧野王居此無林字又海鹽縣東有顧林亭有陳顧野王讀書堆東坡顧林亭詩云平林豈舊物歲晚室扶疏云云
唐詢詩云平林標大道曾是野王居云云宋輝詩云昔時高士宅今日梵王居云云林亭字凡兩見皆不作亭林然據下所引東坡詩
云平林豈舊物唐詢詩云平林標大道似乎華亭海鹽兩縣境內皆有一亭因野王納稱潁水則曰顧亭湖傍樹則曰顧亭林傳鈔誤
倒作林亭爾近志於湖上並增林字亦誤也至宋輝梵王居云云則又與華亭之寶雲寺其事適同不知輝即指華亭故蹟而象之誤
繫之海鹽下否 又案宋嘉祐六年法雲寺重修大殿記弟一行題云大宋
秀州華亭縣顧亭林法雲寺重修大殿記此顧亭林三字之見於石刻者 又嘗稱名曰圭年
元譜康熙中題吳縣李灌溪侍御
詩署名曰圭年 謙案欽孝廉程易

鳴瑤田云嘗見萬年少自跋所作秋江別思圖送先生由淮
陰渡江歸唐市謂顧子名圭年自云余再轉注而得此名

亦或署蔣山傭

元譜謙案蔣山即鍾山後更名神烈山先生嘗僑居
山下也 穆案江藩漢學師承記庚寅有怨家欲陷

之偽作商賈。變姓名爲蔣山傭。又鄒平縣志前列修志姓氏。有顧傭。字甯人。崑山人。同時較編疑係卽傭字之譌。亦或單署曰傭也。顧氏系出吳郡。五代之際。徙滁州。南宋時有名慶者。

自滁徙海門之姚劉沙。

見先生顧氏譜系攷。姚劉沙。自注。今崇明縣。又鈔書自序。炎武之先家海上。世爲儒。

慶次子伯善。又徙崑山。遂爲崑山縣人。世居

縣之花蒲保。

譜系攷崑山縣之二十四保。地名花蒲。自注。今太倉州六都。

後徙千墩。

元譜。崑山縣之千墩人。謙案。崑新合志。千墩在城東南三十六里。泖川鄉。徐譜。先生家與徐健庵比鄰。見憫園集。舅母朱孺人壽序。穆案。蘇

州府志。崑山縣第宅園林內載妙喜園。在西關外。金童橋北。初爲嚴氏園。徐坦齋營爲別墅。荷池竹園。踞西郊之勝。徐乾學宅在牛山橋西。堂曰冠山堂。復構傳是樓。聚書其中。宅後有園曰憫園。又有遂園。在馬鞍山北麓。徐秉義第在富春橋西。有培林堂。徐元文宅在牛山橋東。墻內有含經堂。園中有古樟一株。因名得樹園。蓋徐氏鼎貴後。父子兄弟各營第宅。不復與顧氏爲鄰矣。厥後健庵兄弟。欲迎先生南歸。以別業居之。殆指金童園亭歟。自慶而下。十二世至明正德間。曰

南京工科給事中。廣東按察使司僉事漆。

諸系攷。漆。字梁卿。號小涇。正德庚午舉人。辛巳進士。

刑科給事中濟。

諸系攷。濟。字舟卿。號思軒。正德丙子舉人。丁丑進士。歷官行人

刑科給事中。何紹基案。類姓登科攷。於顧漆。注崑山縣人。顧濟。顧章志。顧紹芳。皆注太倉州人。穆案。鈔書自序。先高祖。爲給事中。當正德之末。又衍生緒。寫書目。有恩軒公諫垣疏一卷。又蘇州府志。給事中顧濟第。在崑山縣尚書浦西。蔣涇。刑科生

兵部侍郎章志。

諸系攷。章志。字子行。號觀海。嘉靖丙午舉人。癸丑進士。歷官行人。行人司副。行人司正。刑部員外郎。中。江西饒州府知府。湖廣廣西按察司副使。貴州布政司參政。貴州山東按察司按察使。南京光祿寺卿。應天府尹。南京兵部

右侍郎。贈都察院右都御史。徐譜。南京朝天宮後。有侍郎公祠。又日知錄云。余家有嘉靖年買地文契。蓋在侍郎公時。又潛溪碑畝序云。萬曆元年。先曾祖官廣西按察副使。穆按衍生緒。寫書目。有觀海公船政疏一卷。又車譜云。章志。字行之。據諸系攷。作子行。當

是車誤。又鈔書自序。嘉靖間。家道中落。先曾祖繼起爲行人。使嶺表。而後闢入江東。郡邑所藏之書。與其室廬俱焚。無子遺焉。洎萬曆初。而先曾祖歷官至兵部侍郎。中間歷方鎮三四。清介之操。雖一錢不以取諸官。而性獨嗜書。往往出俸購之。侍郎生

左贊善、紹芳

譜系攷。紹芳。字實甫。號學海。萬曆丙子舉人。丁丑進士。翰林院簡討。經筵日講官。左春坊。左贊善。兼翰林院編修。管理制誥。贈左春坊左庶子。車譜。紹芳。選庶吉士。移疾歸。起補檢討。父喪。服除。進經筵日講官。遷左贊善。後移疾歸。

不兩年卒。年四十七。穆案。鈔書自序。祖贊善公文集。至數百篇。衍生繕寫書目。有學海公寶庵集。十二卷。靜志居詩話。實甫工於五

律。不露新穎。矜鍊以出之。頗有近於孟嘉。高蘇門者。又王世貞作紀。遠近交游四十詠。紹芳其一也。蘇州府志。崑山縣。有遺清堂在

柴巷內宮贊

及國子生紹芾

譜系攷。紹芾。字德甫。號蠡源。生員。增列入國子監。車譜。紹芾。天才俊逸。工詩古文。奇奧秀拔。在太

紀事關文序。臣祖生於饒州官舍。隨臣曾祖之官廣西。山東。南京。一切典故悉諳。而當日門戶與攻門戶之人。兩黨之魁。皆與之游。臣

祖年七十餘矣。足不出戶。猶日夜念廟堂不置。閱邸報。輒手錄成帙。細字草書。一紙至二千餘字。自萬曆四十八年至崇禎七年九月

共二十五帙。又鈔書自序。先祖書法蓋逼唐人。性豪邁不

贊善、生官廕生、同應

譜系攷。紹芳子二。長曰同德。生員。次曰同應。字

穆案。同應。又字實瑤。見懋園集。曰。公清修篤學。負東南重望。蘇州府志。文苑門。同應生十歲而孤。哀毀如成人。長而穎敏好學。精舉

子業。工詩文。爲諸生。七試不售。兩副榜。卒年四十二。性闊達。家雖貧。好施與。卒之日。戚友哭之。幾於罷市。所著有藥房秋嘯等集。明

詩綜引王平仲語云。仲從詩詞澹

娶何氏

穆案。懋園集。先妣顧太夫人。行述曰。母何夫人。淹洽書史。爲女工師。舅母朱孺人。壽序曰。

意遠。有白雲自出。山泉泠然之致。

同應之子五。先生其仲也。

穆案。同應五子。長曰緇。字遐蒙。次曰紆。字子嚴。次曰纘。字子叟。次不知其名。字子武。先生一女兄。一女弟。皆賴於徐女兄

主履忱女弟生健康。兄弟又一女兄嫁陳皇士。濟生健康。寄皇士太僕詩注。太僕夫人余從母也。是也。然元譜稱健康太夫人爲先生弟五妹。又有仲姊適馬氏。則女兄弟之可考者亦四人也。

紹芾生同吉。早卒。

元譜謙案。同吉字仲。

達崑新合志。謂其早卒無子。產頤饒。

聘王氏未婚守節。撫先生爲嗣。

徐譜。貞孝之歸顧。當在萬曆二十九年辛丑。其年貞孝十六歲。車譜。貞孝太僕寺卿字孫女。諸生述女事。載明史本傳。乃餘集先妣王碩人行狀。

四十三年乙卯三歲。

先生患痘頗危。及脫痂。左目爲眇。

元譜。謙案。全謝山神道表。謂先生雙瞳子。中白而邊黑。見者異之。不言眇也。或有雲翳。未可知。弟元譜係衍生所作。不應有誤。故仍之。

是年本生父賓瑤公中式副榜。

元譜。

知縣陳君祖苞拜於貞孝之廬。

穆據行狀補。進士履歷便覽。祖苞字令威。海鹽人。萬曆癸丑進士。歷官順天巡撫。明史。

附顧繼。

祖傳。

四十四年丙辰四歲。

七月先生第五妹生。

穆補。懋園集。先妣行述。吾母生於萬曆丙辰七月二十八日未時。

四十六年戊午六歲。

春白氣亘天。自東而北。

元譜。穆案。三朝紀事。闕文序。自臣母授臣大學之年。而東方兵起。白氣亘天。明年三月。覆軍殺將。

夏四月。大清兵克撫順。七月。克清河堡。

徐

貞孝以大學授先生。元譜

賓瑤公鄉試又中副榜。徐譜

冬十一月蠡源公配李碩人卒。元譜 穆案碩人有兄名箕見先生所作

先妣
行狀

四十七年己未七歲

二月經略楊鎬誓師於遼陽總兵官李如柏杜松劉綎馬林分道出塞三月甲申杜松遇大清兵於吉林崖戰死乙酉馬林兵敗於斐芬山兵備僉事潘宗顏戰死庚寅劉綎深入阿布達里岡戰死六月大

清兵克開原馬林敗沒。徐譜

先生就塾。元譜 徐譜日知錄云愚幼時四書本經俱讀全注

四十八年庚申八歲

秋七月神宗崩光宗立甫一月崩熹宗立時朝議欲以明年為泰昌元年左光斗請以七月以前為萬

曆四十八年八月以後為泰昌元年從之。元譜

本生母弟紆子嚴生

元譜 謙案崑新合志紆字子嚴同應弟三子少負經濟才明亡後絕意仕進隱居千墩舊廬居喪哭過哀目遂盲秉性耿介兄炎武講學秦晉間屢徵不赴紆寓書益相砥礪甥徐乾學兄弟多訪方隆紆獨養高

自盧華陰王宏撰稱其闇終於
不見不聞之地不姚隱君子

天啟元年辛酉九歲

三月大清兵取瀋陽遼陽徐譜

先生讀周易元譜

季弟纘子安生徐譜案子安妻朱氏繼庵有舅母朱孺人壽序

二年壬戌十歲

正月大清兵破西平堡取廣寧徐譜

蠡源公命先生讀古兵家孫子吳子諸書及左傳國語國策史記元譜穆案三朝紀事綱目序天啟初元遼陽陷奢崇明安邦彥並反其明年廣寧陷山東白

蓮教妖民作亂一日臣祖指庭中草根謂臣曰爾他日得食此幸矣遂命之讀古兵家孫子吳子諸書及左傳國語國策史記

先生程正夫詩序余自少時侍於先王父其終日言而無擇者皆祖考之世德鄉先生之行事徐譜

三年癸亥十一歲

蠡源公以資治通鑒授先生元譜穆案鈔書自序先祖自炎武十一歲即授之以溫公資治通鑒曰世人多習綱目余所不取凡作書者莫病乎其以前人之書改竄而為自作也

穆案先生所作先妣行狀。吾母居別室中。晝則紡績。夜觀書。至二更乃息。尤好觀史記通鑒及本朝政紀諸書。而於劉文成。方忠烈。于忠肅諸人事。自炎武十數歲時。即舉以教。

四年甲子十二歲。

始習科舉文字。

元譜。穆案三朝紀事闕文序。臣祖故所與往來老人。謂臣祖曰。此兒頗慧。何不令習帖括。乃爲是闕遠者乎。於是令習科舉文字。已遂得爲諸生。

五年乙丑十三歲。

時有納穀寄學之例。蠡源公以先生天資穎異。合早取科名。遂爲先生應例。

元譜。謙案。明時寄學。亦經揭學考取。歲試後。準作附生。

六年丙寅十四歲。

讀通鑒畢。讀書詩春秋。

麻城周提學邦基。取入本學二十二名。庠名繼紳。

元譜。先生入學在十三歲。謙案。先生繼寇公墓志。謂天啟六年寇公

爲蘇州知府。某年十四。以童子見公。

入復社有名。

徐譜。常熟王峻次山作先生傳。年十四爲諸生。入復社有名。松案。吳應箕所編復社姓氏目錄前卷。崑山縣入社者十八人。先生名在第六。先生乙卯歲。

孫徵君葬詩引云。適吳中有傳示同社名氏者。感觸之意。遂見

乎詞。穆案。靜志居詩話。甯人早年入復社。與同邑歸莊齊名。

賓瑤公卒。先生居降服憂。

元譜。

先生答徐公肅書云。幼時侍先祖。自十三四歲讀資治通鑒後。即示之以邸報。

徐譜。

崇禎元年戊辰十六歲。

陝西饑流賊大起。徐譜

歲試惠安陳提學保泰未發落即告病去祇取賞卷蔡復襄以下十二人先生未與。元譜

先生與潘次耕書云自庚申至戊辰邸報皆曾寓目。徐譜

穆案三朝紀事闕文序先帝卽位天下翕然以爲中興更化之主無復向時危迫之意又當先帝頒孝經小學釐正文宇之日臣乃獨好五經及宋人性理書而臣祖乃更誨之以爲士當求實學凡天文地理兵農水土及一代興革之故不可不熟究

三年庚午十八歲

六月流賊陷府谷。徐譜

六月科試上虞李提學懋芳拔先生卷列一等二十名。元譜

是年先生當應鄉試日知錄載是年應天鄉試題舉直錯諸枉能使枉者直以媚奄諸臣初定逆案也

徐譜

穆案是年先生弟五妹歸同邑太僕少卿徐君應聘之孫開法。應聘萬曆癸未進士翰林院檢討開法字茲念號坦齋恩貢生時年十七

四年辛未十九歲

八月大清兵圍大淩城。閏十一月，登州游擊孔有德反。徐譜

二月，歲試。李提學連任。先生卷列一等十一名，仍更名絳。元配太倉王孺人來歸。元譜

是年，甥徐乾學生。徐譜。乾學字原一號健庵，官至刑部尚書。

五年，壬申，二十歲。

正月，孔有德陷登州。九月，流賊連陷山西州縣。徐譜

三月，歲試。鄰水甘提學舉潤，拔先生卷列一等十四名。元譜

六年，癸酉，二十一歲。

二月，流賊犯畿南河北。七月，大清兵取旅順。十一月，流賊渡河，陷澠池諸縣，分掠南陽、汝寧，遂犯湖廣。

徐譜

正月，科試。甘提學連任。先生名列三等。元譜 本生母兄絳，遐篆中式順天舉人。元譜。謙案：崑新合志：絳，天才俊逸，世傳其兩京賦，埒平子時務。

策比長沙，年未四十卒。徐譜。絳以天下多故，好言兵事，舉鄉試，一上公車而卒。見健庵舅母朱孺人壽序。絳有同年長沙陶汝鼐，見先生楚僧元瑛談三十年來事詩注。穆案：靜志居詩話：陶汝鼐字仲調，壯歲好游，自吳入越，晚際此離，出監軍事，捍禦鄉邦有力。

是年甥徐秉義生

徐譜秉義字彥和號果亭官至內閣學士

七年甲戌二十二歲

正月賊自鄖陽渡漢連陷紫陽平利二月陷夔州六月賊降復叛陷所過州縣七月大清兵入上方堡至宣府十一月賊自陝西分犯河南江北湖廣

徐譜

巡按御史祁君彪佳表於貞孝之門

穆據行狀補彪佳字宏吉浙江山陰人明史有傳

是年甥徐元文生

徐譜元文字公霖號立齋官至文華殿大學士

八年乙亥二十三歲

正月賊陷鳳陽六月賊復走陝西七月賊復東犯十一月賊陷陝州攻洛陽

徐譜

六月歲試上虞倪提學元珙置先生卷二等

元譜

九年丙子二十四歲

五月賊復入陝七月大清兵入塞八月東歸

徐譜

六月科試倪提學連任置先生卷二等

元譜

是年先生當應鄉試。日知錄載：是年應天鄉試，春秋題宋公入曹，以曹伯陽歸。先生譏其以公孫疆比。

陳啓新、曹伯陽比思陵，非所宜言，大不敬。徐譜

巡按御史王君一鶚具題貞孝事狀奏旌其門，報可。元譜：謙案貞孝受旌在九年，見先生康熙十八年與史館諸公書，縣志亦同。元譜列入十年，誤。

穆案先生所作先妣行狀，貞孝請旌之歲，已齒文會，知名且十年。

十一年戊寅二十六歲。

九月大清兵入塞。徐譜

二月歲試，濰元提學煒置先生卷三等。十二月科試，元提學連任，仍置三等。元譜

穆案是年冬，蘇州府承天寺浚井，得宋鄭所南所藏心史鐵函，巡撫張國維刻其書，又爲所南立祠堂。

詳見先生所作井中心史歌序。園澤邱曰：有偽書出近代，佐證分明，苟一言及輒譁然起，被以大不韙之名，且以甯可信其有者，莫過史彬之致身錄。鄭所南之心史一爲史兆斗所撰，一爲姚士舜所撰，前說余微語。

牧齋後說聞諸曹秋岳云又與公肅甥書憶邱報至崇禎十一年方有活版，自此以前，竝是寫本。

十二年己卯二十七歲。

正月大清兵入濟南，德王由樞被執。二月大清兵北歸。徐譜

七月城固張提學鳳翽覆試科舉先生取遺才二等。元譜

先生撰肇域志始於是年見自序又郡國利病書序云崇禎己卯秋闈被擯退而讀書。徐譜

十三年庚辰二十八歲

九月張獻忠陷劍州。徐譜

四月邑中修葺文廟先生與葉秀才弈荃歸秀才莊重新兩廡木主而正其位次。元譜謙案崑新合志弈荃字元暉一字水修由諸生

入太學性剛直好義工詩古文詞師事劉宗周徐石麒陳龍正講求性命之學尤究心邑政利弊乙酉夏以父權杭州闕遇國變藝星往省還至嘉善爲亂民所戕覓其尸不得以衣冠葬之莊字元恭爲諸生博涉羣書乙酉後亡命薙髮僧裝稱普明頭陀後乃廬金澹星先墓側生平最善顧炎武以博雅獨行相推許而俱不諧於俗有歸奇顧怪之目穆案先生書孔廟附廡位次攷後歸生名莊更名祚明工草隸爲東吳高士

十二月歲試張提學連任置先生卷

二等。元譜

先生答徐公肅書憶昔庚辰辛巳之間國步阽危方州瓦解而老成碩彥品節矯然下多折檻之陳上

有轉圜之聽思賈誼之言每聞於諭旨烹宏羊之論屢見於封章。徐譜

十四年辛巳二十九歲